

Deporte Local

Zaithyel Soekandar a conquista e titulo di W8 na New Zealand

ORANJESTAD (AAN): For di Auckland New Zealand a drenta e tremendo noticia cu e atleta di BMX Zaithyel Soekandar a conquista e titulo di W8 na e World Championships. Esaki, den su categoria boys 16 años. E categoria aki a conta cu un total di 75 participante y tawata e categoria di mas fuerte di e competencia di challenge classes mirando cu 'challenge 16' ta e ultimo categoria prome cu subi pa Elite Junior.

Zaithyel a core en total 7 careda den e campeonato mundial. E prome tresnan tawata clasificatorio y ela pasa tur 3 na di segundo posicion tras e riem di e campeon mundial 2012. Den e careda 1/8 finals Zaithyel a gana e careda na di promer posicion y a pasa facilmente pa 1/4 finals.

Siguiendo cu e careda 1/4 finals e ta bolbe gana na promer lugar y a clasifica pa semi-final. Den semi-final Zaithyel a topa un otro di e grandinan di mundo den su categoria cu ta e campeon Europeo, cual porcierto ta un Hulandes. Fasilmente Zaithyel a gana e careda aki tambe y asina asegura su posicion den e mihor ochonan di mundo cu ta subi podium di e campeonato mundial.

Zaithyel indudablemente tawata un favorito pa campe-

on mundial mirando e acogida di publico cu ela risibi.

Den e careda final Zaithyel a para na gate 1 banda di e grandinan den bmx mundial di su edad, kendenan ta e campeon mundial 2012, e campeon di continente Norte-Americano, e campeon di continente Pan-Americano, e campeon di continente Europeo, e campeon di continente di Asia, e campeon di continente di Australia y e campeon di e Junior Development Program di Merca. Na conta di 3, ora gate a baha Zaithyel a posiciona su mes na di segundo lugar te na momento cu den e promer combocht unda lamentablemente ela crash y pasa automaticamente pa octavo puesto. Zaithyel a sufrí golpi fuerte na su cachete pa cual ela risibi 2 stitch pero e tawata den posicion pa subi podium di premiacion pa risibi su titulo di W8.

Esaki indudablemente ta un logro sumamente grandi pa Aruba mirando e nivel halto di e campeonato mundial aki y tambe e hecho cu nos pais, no tin e infraestructura totalmente adecua pa e deporte di BMX. Ta rekeri hopi dedicacion y passion di parti di Zaithyel y e team para su tras pa por garantiza un nivel mundial. Mirando e prestacion y logro na e mundial aki ta hasi cu Zaithyel ta keda un pros-

pecto pa clasifica pais Aruba pa e siguiente weganan olimpico. AWB ta hopi orguyoso di su atleta Zaithyel Soekandar y ta yama danki na COA, Subsidie Commissie y Ministerio di Deporte pa nan sosten.

Alaves AWB ta desea Zaithyel hopi exito pa campeonato di Cruiser Class cu lo tuma lugar dia 25 di juli. Pa update y galleria di potret di e campeonato aki por subi www.bmxworldsnz.com. Juelle y Noel, e result aki ta grandi. E tabata e categoria mas fuerte di e anochi. Total 75 corredor den boys 16. Tabata tin e campeon Europeo di hulanda, e campeon di Asian continents di Australia, campeon di Us continent y champion di Jr DEVO merca y tambe campeon mundial di Anja pasa di merca. Campeon pan America di Brasil. Zaithy a Bataya contra tur continenta, ganando su qualification na di 2 lugar tras di e campeon mundial, sali prome den su 1/8, prome den 1/4 y den semi prome ganando e campeon Europe di hulanda.

Den final e la sali malo pero asina mes e tabata na di dos lugar pero drentando e prome bocht e la crash Hopi malo. Nos ta proud di e result aki. Ta dificil pa splica con Bon e result aki ta, na Aruba nan no ta compronde cu un 8 den final ta asina Bon. Nos tin cu promote e result aki, Zaithy tabata e favorite pa gana. Un podium lo tabata sigur si e no a crash.

